

## Рамазонда ижобат бўлувчи дуо бор



13:06 / 04.04.2023 2072

Таровеҳ ёки таҳажҷуд намозида ота-онангнинг ҳаққига қилган дуо уларга атаб сўйган ўнта туядан афзалдир.

Баъзи салафи солиҳлар айтишади: «Намоз ўз эгасини (Аллоҳ томон бўлган йўлнинг) ярмигача олиб боради. Рўза подшоҳ (Аллоҳ)нинг эшигигача олиб боради. Садақа эса унинг қўлидан ушлайди-да, подшоҳнинг ҳузурига олиб киради».

Рамазон ойининг фазилатларидан бири – унда ижобат бўлувчи дуо бордир.

Бу ҳақда имом Аҳмад Жобир розияллоҳу анҳудан яхши санад билан ривоят қиласидилар:

«Набий соллаллоҳу алайҳи васаллам: «Ҳар бир мусулмоннинг Рамазонда ижобат бўладиган дуоси бор», деганлар».

Ушбу дуо ифтор пайтидаги дуо экани ҳақида кўплаб ҳадислар ворид бўлган. Шундай экан, банда ифтор пайтида ўзида кўплаб нарсаларни жамлаган дуони қилишга ошиқиши лозим.

Рамазон дармондориси!

Тавба (хар қандай гуноҳдан сўнг);

Хатми Қуръон (кунига камида бир пора);

Зикр ва дуо (саҳарда, тунда, хар доим);

Жамоат намози (Масжидларда. Кунига беш маҳал).

*Агар рўза қалбингни покламаган экан, демак, сен ҳақиқий рўзани топа олмабсан.*